

**«ՀԱՅԱՍՏԱՆԻ ՖՈՒՏԲՈՒՄԻ ՖԵԴԵՐԱՑԻԱ» ՀԱՍԱՐԱԿԱԿԱՆ ԿԱԶՄԱԿԵՐՊՈՒԹՅԱՆ
ԿԱՐԳԱՊԱՀԱԿԱՆ ԵՎ ԷԹԻԿԱՅԻ ԿՈՄԻՏԵ**

ՈՐՈՇՈՒՄ N 7/2

**Կարգապահական պատասխանատվության ենթարկելու և որոշակի գործողություններ
ձեռնարկելու մասին**

ք. Երևան, Խանջյան 27

08.11.2021թ.

«Հայաստանի Ֆուտբոլի Ֆեդերացիա» հասարակական կազմակերպության (այսուհետ՝ ՀՖՖ) Կարգապահական և Էթիկայի կոմիտեի նիստին մասնակցում են Կոմիտեի անդամներից 6-ը, հետևաբար, ղեկավարվելով ՀՖՖ Կարգապահական և Էթիկայի կանոնակարգի (այսուհետ՝ Կանոնակարգ) 7-րդ հոդվածի 7.01 համաձայն Կոմիտեն իրավագոր է:

«Հայաստանի Ֆուտբոլի Ֆեդերացիա» հասարակական կազմակերպության (այսուհետ՝ Կարգապահական և Էթիկայի կոմիտեն,

Քննության առնելով 2021 թվականի հոկտեմբերի 15-ին կայացած «Նոա»-«Սևան» (ՊԼ044) հանդիպման (այսուհետ՝ Հանդիպում) վերաբերյալ Կոմիտեում 23.10.2021թ. հարուցված կարգապահական վարույթի (այսուհետ՝ Կարգապահական վարույթ) նյութերը,

Նպատակ ունենալով Կարգապահական վարույթի շրջանակներում կատարելու բազմակողմանի, լրիվ և օբյեկտիվ քննություն,

Հիմք ընդունելով Կանոնակարգի 3-րդ հոդվածը, 4-րդ հոդվածի 4.01, 4.02 և 4.03 կետերը, 5-րդ հոդվածի 5.01 և 5.02 կետերը, 14-րդ հոդվածի 14.01, 14.02, 14.04 կետը, 18-րդ հոդվածի 18.03 կետը, 20-րդ հոդվածը, 21-րդ հոդվածի 21.01, 21.02, 21.03 և 21.04 կետը և 28-րդ հոդվածի 28.01 և 28.04 կետերը 35-րդ հոդվածը և 38-րդ հոդվածը,

Որոշեց

1. Հաստատված համարել «Նոա» ՖԱ ՀԿ ակումբի կողմից կարգապահական խախտում թույլ տալը և ղեկավարվելով ՀՖՖ Կանոնակարգի 40-րդ հոդվածի 41-րդ կետով՝ «Նոա» ՖԱ ՀԿ ակումբի նկատմամբ որպես պատասխանատվության միջոց կիրառել «նկատողություն»:
2. Հաստատված համարել «Նոա» ՖԱ ՀԿ ակումբի կողմից կարգապահական խախտում թույլ տալը և ղեկավարվելով ՀՖՖ Կանոնակարգի 40-րդ հոդվածի 39-րդ կետով՝ «Նոա» ՖԱ ՀԿ ակումբին տուգանել նվազագույն աշխատավարձի երկուհարյուրապատիկի՝ 200.000 ՀՀ դրամի չափով:
3. Հաստատված համարել «Սևան» թիմի ֆուտբոլիստ Արթուր Քարտաշյանի (N13222) կողմից կարգապահական խախտում թույլ տալը և ղեկավարվելով ՀՖՖ Կանոնակարգի 38-րդ հոդվածի 38.03 կետով, 5-րդ հոդվածի 5.02 կետով և հաշվի առնելով մեղմացուցիչ հանգամանքները «Սևան» թիմի ֆուտբոլիստ Արթուր Քարտաշյանին (N13222) որակազրկել 2 (երկու) խաղով և «Սևան» ֆուտբոլային ակումբին տուգանել նվազագույն աշխատավարձի հարյուրապատիկի՝ 100.000 ՀՀ դրամի չափով:
4. Հանդիպման ավարտից հետո տեղի ունեցած միջադեպի ժամանակ Հանդիպման գլխավոր մրցավար Արթուր Սաֆարյանի նկատմամբ բռնություն կիրառած անձ՝ Տիգրան Հակոբյանի «Սևան» ֆուտբոլային ակումբի հետ փոխկապակցվածությունը, ինչպես նաև Կանոնակարգի և ՀՖՖ այլ իրավական ակտերի տեսանկյունից վերջինիս՝ ֆուտբոլային սուբյեկտ լինելու հանգամանքը պարզելու համար համապատասխան հարցում ներկայացնել ՀՖՖ:
5. Սույն որոշումը կարող է բողոքարկվել Կանոնակարգի 19-րդ հոդվածի 19.01 կետով սահմանված կարգով՝ հրապարակման պահից յոթօրյա ժամկետում:

Նախագահ՝

Կարեն Հովհաննիսյան

Անդամ և քարտուղար՝

Հայկուհի Ռշտունի

Անդամներ՝

Բաբկեն Ղալոյան

Տիգրան Իսրաելյան

Արման Ալաբերքյան

Վահան Բերակյան

Հիշեցում՝

1. Հոդված 19. Կարգապահական և էթիկայի կոմիտեի որոշումների բողոքարկումը

Կարգապահական և էթիկայի կոմիտեի որոշումները ֆուտբոլային սուբյեկտների կողմից կարող են բողոքարկվել ՀՖՖ Բողոքարկման կոմիտե՝ որոշման մասին պաշտոնական հրապարակման պահից 7 (յոթ) օրվա ընթացքում, իսկ այդ դեպքում, երբ ֆուտբոլային սուբյեկտը դիմել է գործի հիմքերը ստանալու խնդրանքով՝ բողոքարկման 7-օրյա ժամկետը սկսում է հոսել այդ հիմքերը ստանալու պահից:

2. Հոդված 28. Պատասխանատվության միջոցի կիրառման ընդհանուր սկզբունքները

28.05 Սույն կանոնակարգում ներառված՝ ֆուտբոլիստի և/կամ թիմի անձնակազմի անդամի ստացած դեղին քարտերի հետ կապված որակագրկումները (սույն կանոնակարգի 41-րդ, 45-րդ, 47-րդ և 49-րդ հոդվածների 1-ից 13-րդ կետերը) կիրառվում են առանց ՀՖՖ Կարգապահական և էթիկայի կոմիտեի որոշման:

3. Հոդված 25. Ֆուտբոլիստների, թիմի անձնակազմի և ակումբի պաշտոնյաների պատասխանատվությունը

25.20 Ֆուտբոլիստների, թիմի անձնակազմի, ակումբի պաշտոնյայի սույն կանոնակարգի 41-րդ, 45-րդ, 47-րդ և 49-րդ հոդվածների 1-ից 13-րդ կետերով սահմանված խախտումների հաշվառումը կատարում է համապատասխան ակումբը՝ առանց ՀՖՖ-ի Կարգապահական և էթիկայի կոմիտեի որոշման:

25.21 25.20 կետի պահանջները ակումբի կողմից չպահպանելը հանգեցնում է այդ ակումբի նկատմամբ կարգապահական պատժամիջոցի՝ տեխնիկական պարտություն:

4. Հոդված 44-ի և 45-ի կիրառվող պատժամիջոցների տուգանքները սահմանված են ՀՀ Մ-18-16 առաջնություններին մասնակցող ֆուտբոլիստների համար: Մ-15 և ցածր տարիքային խմբերի առաջնություններին մասնակցող ֆուտբոլիստների տուգանքները և

պատժամիջոցները սահմանված են նախորդի 50%-ի չափով: Հոդված 44-ի և 45-ի կիրառվող պատժամիջոցները սահմանվում են նաև ՀՀ Միրողական ֆուտբոլի առաջնություններին մասնակցող սուբյեկտների համար: